

Գ Ի Տ Ա Կ Ա Ն

ՄԱՄԻԿՈՆԵԱՆՑ ԿԱԼՈՒԱԾՆԵՐԸ

Մեր նախարարութիւնները աւատական իշխանութիւնս կոչեցինք։ Եւ յիրաւի այդ երկու հաստատութիւնները աւատականութիւնը և մեր նախարարութիւնը յար և նման են միմեանց, եթէ չասենք որ միեւնոյն են իւրեանց կազմակերպութեամբ։

Երկուսն էլ ունէին սեփական ժառանգական երկիր, զօրք և հաւանօրէն և՛ մեր նախարարութիւնը իւր հպատակների բարձրագոյն պեան ու դատուորն էր։ Մեր նախարարութիւններն ևս, ճանաչելով Հայոց արքաներին իբրև վեհապետի՝ souverain-ի մնում՝ են, գոնեա գլխաւորները, գերիշխան՝ suzerain, ունենալով իրենց գերիշխանութեան տակ այլ նախարարութիւններ։ Եւ այս ոչ միայն իրենց տոհմի երկրորդ, երրորդ և «այդ» կամ՝ «միւս» կոչուածները¹, որոնք անառակոյս ենթարկուում էին ցեղի

1 Վաւաստական դահնամակն ունի 1. Ա. Սիւնեաց տէր, ԽԸ, Սիւնեաց երկրորդն։—2. Գ, Արժրունեաց տէր. ԽԹ, Արժրունեաց երկրորդն. Լ. Արժրունեաց երրորդն։—3. Գ, Մամիկոնէից տէր. ԼԱ, Մամիկոնէից երկրորդն։—4. Անձաւացեաց տէր. ԺԸ, Այդ Անձաւացի։—5. ԺԱ, Ապահունեաց տէր. ԺԳ. Այդ Ապահունի։—6. ԺԴ, Վանանդացին. ԿԳ, Վանանդացին երկրորդն։—7. ԽԷ, Արեղէնից Տէր. ԼԶ, Այդ Արեղեանն։—8. ԼԴ, Գիմաքսեանն. ԼԵ, Բուխա Գիմաքսեանն. ԼԶ, Այդ Գիմաքսեանն. ԿԷ, Շիրակա Գիմաքսեան։—(Ղ. Ալիշան, Այրարատ էջ 430—431)։—9. Ծովք (Սոփերք 2, Ե, էջ 32) կամ զօրանամակի Ծովացին ունի երկու անջառ նախարարութիւն իւր առանձին իշխաններով «Մեծ Ծովք և Ծովք կամ Միւս Ծովք և կամ Ծովք Շահէի կամ Շահունի Ծովք» (Փ. Բուդ. Գ, Թ, էջ 21, Գ, Ժք, էջ 29. Գ, դ, էջ 72—73. Դ, իդ, էջ 146)։ Սոփերք 2, գ, էջ 30 և 25, որտեղ Վարազդ Շահունի=Վարազ Շահունի, ևս 2, ա, էջ 11 և 2, ը, էջ 53։—10. Առաւելեան նախարարութիւնն ևս գէթ մի երկրորդ

նահապետին կամ տանուտէրին, ինչպէս այսօր Մակուայ խանութեան մէջ է, այլև բոլորովին տարբեր տոհմեր: Արծրունիք, Հայաստանի չորս գլխաւոր նախարարութիւններից մինը, ունէին դեռ Ե. դարում իրենց ցեղի ստո-

ծիւղ ունեցել է. «ի տոհմէն առաջին Առաւելէնից» ասում է Ղ. Փարպեցին Բ, խէ, էջ 86:—11. Պալունիք ևս երկու են, ինչպէս դաւառը կամ երկիրը, այնպէս էլ նախարարութիւնը, մինը Վասպուրահանում, միւսը Տարօնում (Հ. Հիւրշման Altarm. Ortsnamen Գ, ք, 95, էջ 345):—2. Արծրունեաց Ե դարում մի երկրորդ ճիւղ լինելուն ապացոյց են և Ղ. Փարպեցի Բ. խք, էջ 75 և Բ, խէ, էջ 86. Հրտր. Ս. էջմիածնի. Տիփսիս 1904: Հմմ. Եղիշէ Ը, էջ 310—311. այլ և Ե. էջ 153—154. Թէոդոսիա 1861: Իսկ իններորդ դարում այդ երեւում է Թ. Արծրունու պատմութիւնից ակնբեր կերպով:—3. Մամիկոնեանք Գ. դարում ունին երկու «տուն», մինը բուն երկիրը Տայք, միւսը «այլ տուն. (Փ. Բուզանդ Գ, Ժք, էջ 47): Որ այստեղ տունը միայն կալուածք չէ նշանակում, այլ և նախարարութիւն, ցեղի մի երկրորդական ճիւղ, այդ երեւում է Խոսրովեան գահնամակից. ըստ Մ. Երէցի Մամիկոնեանք 10-րդ տեղումն են, ըայց ունի և «Մամիկոնք երկրորդ» 80-րդ տեղում (Սոփերք Զ, Ե, էջ 32—35):—4. Անձևացոց երկրորդ ճիւղ լինելուն ապացոյց է և սոցա Պաղէստինում շինած վանքերը «Անձևացեաց վանքն, որ յանուն Ս. Անանիայ մերձ ի Բեթղեհէմ» և «Այլ Անձևացեաց վանքն» Գալիլիոյ կողմը Աստուածատուր եպիսկոպոս Տէր-Յովհաննէսեանց Պատմ. Ս. Երուսաղէմի I, ԺԱ, էջ 91—92. Երուսաղէմ 1890):—5. Դիմաքսեան երեք ճիւղ լինելուն ապացոյց ունինք և Եղիշէի պատմագրութիւնը, որոնց նախարարները ջոկ ջոկ յիշուած են, ուր կան ըացի երկու Արծրունի տոհմերից, երեք Դիմաքսեան, 27 նախարարներից է. Թաթուլ Դիմաքսեանն է, ԺԳ, Հմայեակ Դիմաքսեան, ԺԵ, Միւս ևս այլ Դիմաքսեան (Եղիշէ Ե, էջ 153—154), իսկ որ Բուխա Դիմաքսեանը զօրանամակի Հիւսիսային դռան ԺԵ, Բոխայեցին է (Շահխաթունեան I, § 382, էջ 58-ի և 59-ի միջև) այս յօդուածի վերջում կը տեսնենք: Այս բոլորից յետոյ մեզ անհիմն է թուում Ի. Չալախովի կասկածը, թէ Վաւազիան գահնամակը կեղծիք է (Государственный Строй Древней Грузии и Древней Армении I, էջ 120—121. С.-Петербург 1905. Հմմ. Գ. Խալաթեանց Армянские Аршакиды, էջ 294—299, Москва 1903):

բարձրագույն մասերը, թ. դարում ունին նոյնը, որոնք կէսանկախ են, բայց միևնոյն ժամանակ բոլորովին տարբեր և այլ հպատակ նախարարութիւններ: Հռիփսիմէի որդի Աշոտ Արծրունին իւր Գուրգէն և Գրիգոր եղբայրներին, այլև Արծրունի ցեղակիցների հետ գնում են իրենց քեռի Տարօնոյ Բագրատ Բագրատունուն օգնութեան Մուսէի գէմ: Նոցա հետ գնացին «և այլք ի նախարարաց Վասպուրական իշխանին»¹:

1 Ահա այդ տոհմերը, «Սմբատ Ապահունի, Գրիգոր Բազբերունի, Վահան Հաւնունի, սեպուհն Դաւիթ, Գազրիկն Ապուհարազ (մակդիր թէ տոհմ»), Թողորոս Վարազի (=Վարազ), Խոսրով Վահեւունի, Խոսրով Ակեացի, Վարդան Գաբայեղեհ, Սմբատ Մարացեան, սեպուհն մի Սահակ, Պատրիկն Անճեւացի, Գորգ Հարմացի (Բարմայեհ»), Դաւիթ Գունդսաղար, և այլ բազում յազատ տանէ թ. Արծրունի Բ, զ. էջ 109: Միևնոյն էջում թ. Արծրունին յիշելով սոյն պատերազմի մասնակցող տասնուվեց Արծրունի իրենց զօրքով, անմիջապէս կցում է. «եւ ի տանէն Բագրատունեաց Թոռնկայ որդի զօրք իւրովք, ի տոհմէն Ամասունեաց Շապուհ Ը. հարազատօք և զօրովք իւրեանց, ի տոհմէն Գնունեաց Գրիգոր որդի Հազրի Զ. այլ ևս հարազատօք և զօրք իւրեանց, ի տոհմէն Ընտունեաց Արտաւազդ է, հարազատօք զօրք իւրեանց: Որ վերջիններս անկախ չեն, այդ երեւում է այն հանգամանքից, որ երբ Գազրիկ Ապուհարունը Գրիգոր Գեբենիկի որդոց Աշոտին՝ իւր փեսային ու Գազրիկին ու Գուրգէնին բանտարկում է, «Յիսէ Տրունեաց տէր որդի Հոնաւարաց, Վարազշապուհ Աբելիցից տէր, Թագէոս Ակեացի Շերեփայ որդի, և այլք ընդ նոսա» դիմում են նախ Գուրգէն Ապուհալէ Արծրունու որդի Գուրգէն Ա-ին կամ Մեծին «գտանել զելս իրացս» բայց դրանից դժգոհ՝ թողեցին ընտանիքով իրենց աները, հայրենիքը և գնացին Համիդի տէր Ահմաթ օտար իշխանի մօտ շաւաղոյն համարելով պանդուխտ և օտարութեան մէջ լինել, քանի՜ տեսնել բանտարկուած իրենց իշխանի որդոց, այս աշխարհի իշխանին, որոնք «որտի մտօք ի մանկութեմ զհարկ ծառայութեան հատուցեալ էին ըստ օրինի վայելչութեան հնազանդողաց, ըստ յորդորման հեթանոսաց վարդապետին» (թ. Արծր. Գ, իբ, 235—236): Պօղոս առաքելոյ սահայն ակնարկած յայանի պատուէրի հակառակ «նահապետք ազատաց Վասպուրական իշխանիս (Աշոտոյ)՝ Մուշեղ ի ցեղէ Վահեւունեաց, Վահրամ

Շեշտելով այս նմանութիւնները և մանաւանդ յատկապէս վերջին կէտը, որ ցարդ անուշադիր է թողնուած, դառնանք կարուածական ինդրին:

Ամբողջ Հայաստանը բաժանուած էր նախարարութեանց, որոնք ունէին իրենց սեփական դաւառները, աւանները և գիւղերը և ազարակները, որ մեր բազմաթիւ նախարարութիւնները նախ խոշոր և մանր կարուածատէրեր էին, թագաւորն ինքը խոշոր և ամենամեծ կարուածատէրն էր, և այդ այնպէս այնքան հին է, որ Հայաստանի դաւառների և նախարարութեանց շատ շատերի մանաւանդ հնագոյնների անունները նոյն են, այնպէս որ Խորենացին «զՀայաստանեայցս նախարարութիւնս, զամենեցունց զուստն և զղիարդն յայտնելով համառօտ»¹ Ռշտունեաց և Գողթնեցոց մասին ասում է, «Գտի պատմեալ ի սիսականէն արդարև հատուած, ոչ գիտեմ, թէ յանուն արանցն զգաւառն անուանեն, և թէ (=եթէ) յանուն գաւառացն զնախարարութիւնն կոչեցեալ»²:

Արդ որն են Մամիկոնեանց կարուածքները: Փ. Բուզանդացին պատմում է, թէ ինչպէս անօրէն և գիււհար Հայր մարդպետը Խասրով կոտակի որդի Տիրան թագաւորին գրգռեց նախարարների ազգերի դէմ և շատերին քսութեամբ կոտորել տուաւ: Մանաւանդ «երկու աւագ տոհմերը» Ռշտունեաց և Արծրունեաց ուղեց «անգունդ» ածել տալ: Մեհենդակ Ռշտունու Տաճատ և Վաչէ Արծրունու Շաւասպ որդուն փախցրին Արտաւազդ և Վասակ Մամիկոնեան զօրավարները այնտեղ հանդիպելով «և գնացին ի բաց ի բանակէն արքունի: Եւ չոգան յաշխարհն

յազգէ Տրունեաց, Վահրամ միւս ևս, որ և բիկնապան եշխանիս և այլ դունդը աղատաց և զօրական պիտուբեանց» (Թ. Արծր. Գ, ք, 134) մասնում են Աշոտին Բուզայի ձեռքը: Արծրունի տոհմերի «ըստ ազգս ազգս» մասին տես ևս Թ. Արծր. Գ, Ժք, 191, իսկ «բազմութիւն աղատաց և մեծամեծացն Արծրունեաց նախարարութեանց» տես Թ. Արծր. Գ, ք, 143:

1 Մ. Խոր. Ա, ա, 4. Վենետիկ:

2 Մ. Խոր. Բ, ք, 80:

իւրեանց յամուրս Տայոց, և անդ նստան ամս բազումս ընտանեօք իւրեանց, և թողին զայլ տուն իւրեանց»¹։

Արշակ Բ. թագաւորելով ելնում է ի խնդիր «առհմին զօրավարաց ազգին քաջացն Մամիկոնենից, մանաւանդ զի իւր դայեակը և սնուցիչը էին. Ապա երթեալ գտանէր զնոսա յամուրս աշխարհին Տայոց յիւրեանց աշխարհին», և դարձնում է նոցա յընդանութիւն, զի պառակտուած և քակտուած էին ընդանութիւնից և Հայոց բոլոր գործերից Տիրանի խօլութեան այսինքն գժութեանց ժամանակ։

Այս Մամիկոնեաներից էին, ինչպէս յիշում է Փաւստոսը, Վարդան երէց եղբայր, որին նահապետ է կացուցանում և Վասակ, միջնեկը, որին սպարապետ է կարգում։ Արդ այս Վարդանը, «Մամիկոնեան տսհմի ասնուաէրը» և «Նահապետը» ճապուհ արքայից արքայի հրովարտակը բերում է Արշակին, որ նորան յորդորում էր հնազանդելու մտանալով անցեալը։ Արշակը սիրով լսում է պատգամին, հաւանում է ասածին «Եւ խաղաղութեամբ արձակէր զմեծ Նահապետն ի տուն իւր, զի երթիցէ հանգիցէ յաշխատութենէն յերկայն ճանապարհէն, և գնաց»։ Տիրասէր Վասակը, մանաւանդ և թագաւորի կէն սխալալ Փառանձեմը, գրգռում են Արշակին Վարդանի գէմ, և ինքն իսկ Վասակը զօրքով գնում է հարազատ եղբօրն սպանելու։ «Ապա երթեալ գտանէին զնա յիւրղում զաւանդին ի Տայս², յիւր ամուր բերդին որում անուն էրախանի³ կոչի»։

1 Փ. Բուզ. Գ. ժը, 47, Վենետիկ 1889:

2 Փ. Բուզ. Գ, ք, 67: Սոսիերք, 2, ք, էջ 16. Մ. երէցն աւելացնում է «ընդ նոսին և զԳնունիքն»:

3 Փ. Բուզ. Գ, ժը, 131—132:

4 Այս ձևն է ճիշտ և ոչ միւս փոփոխակը Ախանի. որովհետև այսօր էլ հայ այդ «ամուր բերդը» և գտնուում է ձորսնի արին, Օլթի-չայի և վերնինի խառնարանից ներքև, և կոչուում է Իրխան, ինչպէս այդ հաստատում է Կիպերտը. ատն նորա Տրապիզոնի աշխարհացոյց քարտէզը: Հմմ. H. Hübschmann. Die Altarmenischen Ortsnamen, IV, § 162—360:

Որ Տայքը Մամիկոնեանցն է եղել և Ե. դարում, այդ երևում է Եղիշէի, մանաւանդ Ղ. Փարպեցու խօսքերից և վկայութիւններից: Վերջինս պատմելով թէ ինչպէս Հմայեակի սրգիքը Վահան, Վասակ և Արտաշէս Վրաց Աշուշայ բռնիքի ձեռքով ազատուելով սնուում և կրթուում են Վրաստանում իւրեանց մօր Զուիկի խնամքի տակ, որ մնում էր քոյր Անուշ-Վռամի՝ Աշուշայի կնոջ մօտ, աւելացնում է. «Բայց էր նոցա միւս ևս եղբայր կրտսեր, անուն Վարդ, որ էր մնացեալ տղայ ի դայեակս իւր ի Տայս»¹: Այժմ պէտք է հասկանալի լինի, թէ ինչու Վարդանանց պատերազմին Աւարայրի մեծ ճակատամարտից յետոյ 451-ին «Հայոց փախստականների բազմութիւնը նախարարներ և սեպուհներ, ոստանիկներ և ռամիկներ, դիմելով Տայոց երկիրը ժողովուում էին սուրբ Վարդան զօրավարի եղբօր Հմայեակի մօտ որ ուշացել էր Յունաց աշխարհում»²: Եղիշէի ասելով Հայերից, որոնք ամրացել էին «Խաղդեսաց լեռներում»³, երբոր տեսան թէ Պարսկաց զօրքը յանդըդնաբար և աներկիւղ իջնում էին Հայոց աշխարհի ամրութիւնները, նոքա ևս մեծ զօրութեամբ յարձակուեցան Տայոց Զորագաւառը: Եւ այնտեղ գտան արքունի զօրքից մեծ գունդ, որոնք կամենում էին առնել այն աշխարհի ամրականներին. դարձեալ և կարծում էին էլ թէ նախարարների (անշուշտ Մամիկոնեանց) գանձերն այնտեղ են, ուստի անխնայ յուզում (=խուզարկում) էին վայրերը»⁴: Եւ դարձեալ երբոր Հայերը տեսան էլ այնտեղ երկու⁵

1 Ղ. Փարպ. Գ, կբ, 111, Հրատարակութիւն Ս. Էջմիածնի 1904, Տփլիս:

2 Ղ. Փարպ. Բ, խա, 73:

3 Խաղդեսաց սահմանակից այդ լեռները Ղ. Փարպեցին կոչում է Պարխար (Ղ. Փարպ. Բ, խա, 74—75): Այդ լեռները մի մասն անշուշտ Տայքի մէջ է, որ փախուում է Վահանի որդի հայրասպան Սամուէլ Մամիկոնեանը «Եւ ինքն փախստական լինէր յերկիրն Խաղդեսաց» ասում է Բուզանդը Գ, ծթ, 184:

4 Եղիշէ է, 199, Թէոդոսիա 1861:

5 Կարծես թէ Եղիշէն երկու գիւղ ասելով շիոթում է

գիւղում եկեղեցիներն այրուած, բարկացան, յարձակուեցան, կոտորեցին շատերին նոցանից և փախցրին այն աշխարհից: Եւ այնչափ յանդուգն յարձակումնքից ընկաւ քաջութեամբ միայն երանելի Հմայեակը, Հայոց սպարապետ Վարդանայ եղբայրը: Փարպեցին այդ գիւղը, ուր ընկաւ նահատակ Հմայեակը, անուանում է «Արջնհաղ¹, ի գաւառին Տայոց» Այսպէս էլ Ե. դարու վերջին քառորդին, երբ հայերը և Վահանը Սահակ Բագրատունուն «Հայոց մարզպան են կարգում» և Վահանն էլ հայերից ընդունում է «Մամիկոնեանց տէրութիւնը և Հայոց սպարապետութիւնը»², տեսնելով որ իրենց զօրքը դեռ ևս անկազմ և անպատրաստ է, «խորհում են առ վայր միշտել Տայոց գաւառի ամուր տեղերը»: Սոյնպէս ձարմանայնու³ դաշտի ճակատամարտից յետոյ Վահանը «առ վայր մի գնում է Տայոց ամուր տեղերը, ուր նորա մօտ ժողովուեցան Հայոց փափստական սինլքորները և ուրիշները Հայոց աւագ նախարարներից. իսկ երկու կամսարականները միշտ էլ նորա հետ էին, նորանից անբաժան և միաբան»⁴:

Արդ Տայքը Փ. Բուզանդը վերև Մամիկոնեանց «աշխարհ» և Վարդան Մամիկոնեանց նահապետի «գաւառ» անուանեց: Այս խօսքերի վրայ հիմնուած ուսուցչապետ Հիւրչմանն ասում է թէ այս ամբողջ նահանգը Գ. դարում Մամիկոնեանց է պատկանում⁵: Առ հասարակ մեզ-

Հմայեակի նահատակութեան գիւղը, որ ըստ Փարպեցու Արջնհաղն է, Վահանի ժամանակի անցքերի հետ: Հաղարաւուխտը ընկնելով Վահանի ետևից և երթալով Տայոց Աբաղ գաւառը «բանակում է այն գիւղերի մօտ, որի անունն էր մէկին Գիւղիկ և միւսին Վարդաշէն» Ղ. Փարպ. Գ, հթ, 145:

1 Ղ. Փարպ. Բ, խա, 74:

2 Ղ. Փարպ. Գ, կը, 121:

3 «Գաշան ձարմանոյ» Օրբէլեան Պատմ. Ժէ, 46: Մոսկվա 1861: «ձարմանու հովիտն» Սիմէոն Ապարանցւոյ վիպասանութիւն էջ 60, Վաղարշապատ 1870:

4 Ղ. Փարպ. Գ, հե, 135:

5 Die Altarm. Ortsnamen. III, 14. էջ 276:

նում այն կարծիքն է տիրում, թէ մեր նահանգներից կամ գաւառներից մինը սեփականութիւն է ամբողջապէս այս կամ այն նախարարական տան: Հաւանօրէն այդպէս էր նախնական ժամանակներում. բայց որդէն Գ. դարումսին այդ բանը չէ կարելի պնդել. իսկ այնուհետև առաւել ևս: Մի կողմ թողնելով Արարատ նահանգը, որ Արշակունեաց «բնիկ ժառանգութիւնն»¹ էր, որի մասին ուրիշ առթիւ խօսելու ենք, դասնանք միւս նահանգներին և գաւառներին: Ծովաց աշխարհը կամ Չորրորդ Հայքը, որի նահանգները ըստ Վառձակի գահնամակի գ. գահն² էր կազմում, երկու համանուն ցեղակից նախարարութիւն ունէր «Ծովք մեծ . . . Ծովք Շահունաց»³, կամ Շահէի⁴ կամ միայն Ծովաց⁵ և կամ «միւս Ծովք»⁶, որոնք ջոկ ջոկ իշխաններ ունէին. Այլև այդ նահանգում

1 Ղ. Փարպեցին Արշակ Գ-ի համար ասում է «Արշակ թագաւորն . . . թողոյր զբարի և զբնիկ ժառանգութիւն նախնեաց իւրոց, զգաւառն Այրարատ, զհոյսակապն և զհռչակաւորն և զականաւորն . . . » Ա, է, 9: Իսկ Կորիւնը ս. Մեծորոպի համար ասում է «Մաշթոց անուն, ի Տարօնական գաւառէն . . . եկեալ հասեալ ի գաւառն Արեւիկունեաց թագաւորաց Հայոց մեծաց, կացեալ յարքունական դիւանին, լինել սպասաւոր արքայատուր հրամանին առ հաղարապետութեամբն աշխարհիս Հայոց Առաւանայ ուրումն»: Պատմութիւն էջ 13—14. Վենետիկ 1894:— Հմմ. Խոր. Բ, կա, 139. Գ, իբ, 207—208, ևս Խոր. Բ, ը, էջ 81:

2 «Ե (6) Շահապն Ծովաց աէր» Ալիշան. Այրարատ էջ 430:

3 Փ. Բուզ. Գ, իբ, 146:

4 Փ. Բուզ. Գ, թ, էջ 21: Հմմ. Գ, ժբ, էջ 29: Եւս մեր «Արարատ». լիտեր.—մարտ. մեր յօդուածը «Պատմագիրք Հայոց» էջ 248—249:

5 Փ. Բուզ. Գ, ժբ, էջ 29:

6 «Դանիէլ մեծ իշխանն Ծովաց . . . և Նոյն(°) իշխանն միւսոյ Ծովաց» Փ. Բուզ. Գ, դ, էջ 72—73: Վենետիկի վերջին երկրորդ հրատարակիչները վերջին անունը Կնճիճեանի պէս կարդում են ոչ թէ Նոյ, այլ Նոյն, (Ստորագր. Հ. Հայաստ. Չորրորդ Հայք, Ծովք, էջ 48): Նոյ հայ նախարարի անուն մեզ չէ պատահել թէև, իսկ Նոյն-ը իբրև յատուկ անուն չգիտեմ թէ ո՞ր ազգի մէջ կայ իւր համապատասխան բառով:

էին, Անգեղ տուն, Պաղնատուն, Հաշտեանք, վերջնում կային և Արշակունիք, ինչպէս և Աղիովիտ և Առբերանի գաւառներում: Վասպուրականը որ Արծրունեաց «բարձրագոյն և սեփական նահանգ»¹ է կոչուած, վերեր տեսանք թէ որքան ենթարկուած նախարարութիւններ ունէր բացի իւր երեք ճիւղաւորութիւնից: Արդէն առաջին հայեացքից

Եեզ թուում է նոյնն ճիւղաւորս յօղը արատգրողին պէտք է վերագրել, որ խառնել է դերանուան հետ, ինչպէս որ ունին «իշխանն, տանն, այնքան անգամ գործածուած անունները և չունի ոչ մի յատուկ անունն: Բերենք այդ վիայութիւնն ամբողջապէս. «Ձևայր մեծ իշխանն մարդպետութեան, և զԲագարուս մեծ իշխանն սպարապետութեան («»), և զԳանիէլ մեծ իշխանն Ծովաց, և զՄեհանդակ Ռըշտունի, և զԱնդուկ իշխանն Սիւնեաց, և զԱրշաւեր իշխանն Նիրակայ և Արշարունեաց, և զՆոյն իշխանն միւսոյ Ծովաց և զՊարգե իշխանն տանն Ամատունեաց»: Ներսէսին Կեսարեայ ուղեկցող այս Բագարաւոր յիշում է «Բագրատ Բագրատունի» (Փ. Բուդ. Գ, է, էջ 17) ազգանունով: Երկէց այդ առթիւ յիշում է «զիշխանն Բագրատունեաց Կալիք» (Սովերք 2, գ, էջ 24), իսկ «Բագրատ Գահապետ Բագրատունեաց» և նոյն «Բագրատ Բագրատունեաց իւխանն» յիշում է Ներսէսին Կ. Պոլիս «կայսերական պաղատան» ուղեկցողներէ և նորա թունաւորման ներկայ եղողներէ թուում (Սովերք 2, ը, էջ 53. և ժ, էջ 88):

Արդ թէ Փ. Բուդանդը և թէ Մ. Երէքը սպարապետութիւնը իւրեանց պատմագրութեան մէջ անդադար և միշտ սեփական են համարում Մամիկոնեանց, որ ապացուցում է հայերէն, յունարէն և արաբերէն Ազաթանգեղոսով ևս հակառակ Մ. Խորենացու: Տիրբինգէնի համալսարանի ուսուցիչ Մարքարան այս խանգարմունքն ուղղում է այսպէս. «Ձեզագարատ մեծ իշխանն սպարապետութեան և զՎասակ մեծ իշխանն սպարապետութեան» (Eranšhr. էջ 167. Berlin. Թարգմանուած Հանդէս ամսօրեայ, 1903. Թիւ 1, էջ 2, ծանօթ. 3):—Շատ յաջող է այս, որովհետեւ քիչ վերեւ Բուդանդը պատմում է Մամիկոնեանց վերագարձը Տայքից Արշակ Բ-ի ձեռքով, որ Վարդանին նահապետ է հաստատում, իսկ «զՎասակ զմիջին եղբայրն՝ զԻւր զայեակն ի սպարապետութիւնն զօրավարութեան . . . կացուցաներ» (Փ. Բուդ. Գ, ը, էջ 67):

1 Թ. Արծր. Գ, իԹ, 266:

և եթ այս բանն անհնարին է կենթադրել, վասն զի Մեծ Հայրի նահանգները 15 են, մինչդեռ նախարարութիւնները բազմաթիւ: Աւելի շատ գաւառների և նախարարութեանց թիւը մտաւորապէս հաւասարուած են: Չնայելով այս աչքի ընկնող հանգամանքին նոյն իսկ գաւառները ամբողջապէս այս կամ այն նախարարական տան շէն պատկանում: Այսպէս Հաշտեանքն ունի Դ. դարում Խոսրով Կոտակի ժամանակ առանձին նախարարութիւն. «Գագ իշխանն Հաշտենից»¹ Կոստանդիանոս Մեծի որդուն Կոստանդի մօտ պատգամաւոր դնացող երկու իշխաններից մինը. նոյն դարում Խոսրովի որդու և յաջորդի ժամանակ յիշուած է «Գնիթ իշխան Հաշտենից գաւառին ի Կամիխական»² տօհմէ: Սակայն Հաշտեանքում Վաղարշակի ժամանակից ապրում էին Արշակունի³ արքայազունքը, ինչպէս և յետոյ Տրդատ—Արտաշէսի որդի Արտաւազդի ժամանակից Աղիովիտ և Առբերանի⁴ գաւառներում: Իսկ Տարօն գաւառում միաժամակ կալուածք ունին Լուսաւորչի տօհմը, որ ունի և այլ գաւառներում⁵, Մամիկոնեանք և Հայր մարգպետը⁶, Վերջինս թերևս իբրև արքունի գործակալ, ինչպէս երբեմն Դրաստամատը Տիրանի և Արշակի ժամանակ Անգեղ տան, Անգեղ և այլ բերդերի և Ծովաց երկրի Բնաբեղ բերդի⁷, սակայն այսու չէ փոխուում մեր վարկածը, ապա ուրեմն թագաւորն ունէր կալուածներ այդ գաւառներում: Այսպիսով ոչ միայն մի գաւառ ամբողջապէս մի նախարարութեան չէ պատկանում այլ և հետևում է, որ ոչ միայն արքունիքը, այլ և Լուսաւորչի տօհմը և այլ նախարարութիւններ ունին շատ

1 Խոր. Գ, Գ, 190:

2 Փ. Բուզ. Գ, ԺԲ, 29: «Վարազ Կամիխական» զինակիւր Վաչէ Մամիկոնեանի: Բուզ. Գ, է, էջ 17:

3 Խոր. Բ, Ը, 81:

4 Խոր. Բ, Կա, 138:

5 Փ. Բուզ. Գ, ԺԳ, էջ 117:

6 Փ. Բուզ. Ե, Գ, էջ 195:

7 Փ. Բուզ. Ե, է, էջ 210—211:

գաւառներում կալուածքներ:

Առհասարակ Հայոց նախորարութեանց ամենամեծ մասը կենդրոնացած են Արարատ, Տուրուբերան և ապա Վասպուրական նահանգներում, այնուհետև մասամբ Մովսիսի աշխարհում և Բարձր Հայքում, իսկ մնացեալ եզերական Աղձնիք, Մոկք, Կորճայք, Պարսկահայք, Սիւնիք, Արցախ, Փայտակարան, Ուտիք, Գուգարք և Տայք նահանգներին մեծ մասն ունին մէկ հոմանուն և մէկ-երկու այլ նախորարութիւն, ինչպէս այդ երևում է այս նահանգներին գաւառների անուններից, որոնց մեծ մասի անունով նախորարութիւններ չկան: Տայքի գաւառներն են Կող, Բերդացիօր կամ Բերդափօր, Պարտեզացիօր կամ Պարտեզափօր, Ճակք կամ Ճակատք կամ Ճակատ, Բուխա կամ Բոխա, Ոքաղէ կամ Ոքաղ կամ Ուքաղի և Ազորդու Կափօր կամ իսկապէս մի գաւառ Ազորդացիօր: Ասեացիօր կամ Արսեացիօր կամ Ասրեաց փօր¹: Արգինդիւր է թէ այս բոլոր գաւառներն էլ կամ այսպէս անունք ամբողջ Տայք նահանգը պատկանում էր Մամիկոնեանց: Այս գաւառներից Ոքաղը Փարպեցին յիշեց երկու գիւղով. բայց չէ տառւմ յատկապէս թէ Մամիկոնեաներինն է, մինչդեռ ուրիշ առթիւ, Մաղիկ գիւղի համար շեշտում է որ էր ընդ իշխանութեամբն Մամիկոնէից², սակայն այս գիւղը՝ ըստ ամենայն հաւանականութեան Տարօնում էր գտնւում, որ Հաշտենից սահմանակից էր, ուր Վահան կամենում էր անցնել օգնութիւն գտնելու: Այստեղ յատկապէս յիշելը անշուշտ այն մտքով է, որ այդ կողմերն ուրիշներն էլ կալուածքներ ունէին, ինչպէս որ մասամբ վերևը տեսանք. իսկ Տայքում ոչինչ չիշխելու աւելի շուտ մի argumentum e silentio այսինքն լուռ ապացոյց պէտք է համարել, մանաւանդ թէ ի նկատի առնենք որ Փարպեցին յատկապէս չէ շեշտում, թէ Տայքը Մա-

1 Ն. Հիւրշման Die Altarm. Ortsnamen. IV. Abschnitt, XIV. էջ 359—360: Հմմ. Ինձիճեան Ստորագրութիւն Ն. Հայաստ.

2 Ղ. Փարպ. Գ. ձա, 148:

միկոնեաններինն է, Մեր վերև բերած ապացոյցները բաւական են այդ հաստատելու, և եթէ մի մեծ կալուածական փոփոխութիւն տեղի ունեցած լինէր մինչև Ե. դարու վերջը, որևէ ակնարկ կը լինէր Փարպեցու և կամ միւս հեղինակների մէջ:

Միակ հաւանական ենթադրութիւնը, որ կարելի է անել, այդ Բոխա կամ Բուխա գաւառի մասին է: Վաւաճական գահնամակում յիշում են «Լ. դ. Դիմաքսեանն, Լե՛ Բուխա Դիմաքսեան, Լէ՛ Այղ Դիմաքսեան, Կէ՛ Շիրակա Դիմաքսեան»¹, Ուրեմն ինչպէս մեր ուրիշ նախարարները, այնպէս էլ Դիմաքսեանները ունէին իրենց ստորաբաժանմունքները՝ երկրորդական ճիւղերը, ինչպէս որ վերևը տեսանք, Դիմաքսեանց երկրորդական² ճիւղերը հաստատուում են և Եղիշէի խօսքերով: Շիրակա Դիմաքսեան ի հարկէ կոչուել են միւս ճիւղի ուրիշ տեղի Դիմաքսեաններից զանազանուելու համար, որովհետև մինչդեռ միւս նախարարութեանց երկրորդական ճիւղերը կոչուում են սովորաբար «Այղ»: Այլ և կամ նախարարութեան անուան կցում են «երկրորդն, երրորդն», այստեղ Դիմաքսեաններն ունին մի «Այղ Դիմաքսեան», ճիւղաւորութիւն, երկուսն էլ կոչուում են գաւառների անուններով և այս հաւանօրէն այն պատճառաւ, որ երևի միմեանցից բոլորովին անկախ են: Այս աւելի վաւերական է դառնում շնորհիւ այն հանգամանքի, որ զօրանամակում³ մեր գահ-

1 Ալեշան Այրարատ 431:

2 Եղիշէն Վարդանի հետ Աւարայրի դաշտը գիմոդների մասին ասում է. «Ու փութով ամենեքեան հասանէին իւրաքանչիւր գօրօք» ապա թուում է անունները ըստ կարգի 7 «Թաթուչ Դիմաքսեան», 14 «Հմայեակ Դիմաքսեան», 15 և միւս եւս այլ Դիմաքսեան «Քաղրիկ» (Եղիշէ Ե. էջ 153—154): Այստեղից կարելի է հետևացնել, որ Դիմաքսեանները բացի գլխաւոր նախարարութիւնից, եթէ ոչ երկու՝ գոնեա մի երկրորդ նախարարութիւն ևս ունէին:—

3 Զօրանամակ կոչում ենք Շահխաթունեանի 86 նախարարութեանց ցուցակը իւրաքանչիւրի զօրքի քանակով (Ատորագր.

նամակի ութ ճիւղաւոր նախարարութիւններէց, ինչպէս և Առաւելեանք կամ Առաւելեանք և Պալունիք չեն յիշուում իրենց երկրորդական ճիւղաւորութիւններով, իսկ զօրանամակի հիւսիսային դռան «ԺԳ. Դիմաքսեան յ (= 300) և Բուխա Դիմաքսեանն է Հիւսիսային դռան» ԺԵ. Բոխայեցի յ (= 300), որոնք բանակին մասնակցում են 300-ական մարտիկներով, Հետաքրքրական է, որ և Խոսրովական և Վաւազական գահնամակում և զօրանամակում Մամիկոնեանք և Տայք կամ Տայեցիք ջոկ ջոկ նախարարութիւններ են համարուում:

Այսպէս Խոսրովականի Թ = 10՝ Մամիկոնեանք և Թ = 80 Մամիկոնք երկրորդ, իսկ Թ = 75 Տայք¹. Վաւազականի Դ(5) Մամիկոնէից աէր, ԼԱ՝ Մամիկոնէից երկրորդն և ԺԹ(20)՝ Տայոց (աէր)². իսկ զօրանամակում երկուսն էլ Հիւսիսային դռան այսինքն բանակ կազմող նախարարութիւններէց են Զ. Տայեցի Ո = 600 և է Մամիկոնեանն Ռ = 1000 մարտիկներով³:

Զօրանամակում չկայ Մամիկոնեանց երկրորդական ճիւղի մասին, հետեւաբար միասին մի գունդ էին կազմում և հաւանօրէն երկրորդները ենթարկուում էին առաջիններին գէթ զինուորական մասում. նոյնը կարելի է ասել և միւս նախարարութեանց համար. Իսկ Մամիկոնեանք և Տայեցիք անշուշտ անկախ են, որ երեք նամակներում ջոկ ջոկ յիշուում են և զօրանամակին նայելով անկախ են իրարից և առանձին առանձին գունդ ունին: Տայեցին հաւանօրէն համանուն երկրի նախնական ազատանին է. Տայքը կամ Տայեցիքն ունին առանձին իշխան, որ ներսէս Մեծին Կեսարիա ուղեկցող 26 նախարարներէց վերջինն է «Գազրիկ իշխան Տայոց», մինչդեռ առաջինը

II, էջ 58-ի և 59-ի միջև): Այս ցուցակն արտատպել են Կ. Կոստանեան Հիւսուածքում (III, էջ 32-ի և 33-ի միջև) և Ղ. Ալեշան Այրարատում (էջ 424-ի և 425-ի միջև):—

1 Սոփերք 2, Ե, էջ 32—35:

2 Ղ. Ալեշան, Այրարատ, էջ 430—431:

3 Նահլաթուներն Ստորագր. II, էջ 58-ի և 59-ի միջև:

«գորաւարն Շահէն ի Մամիկոնէից տոհմէ»¹։

Վերոյիշեալներէից պարզուում է. ինչպէս Մամիկոնեանք և Տայեցիք, այնպէս էլ Դիմաքսեանները և Բոխա-Դիմաքսեանները կամ Բուխայեցիք անկախ են միմեանցից, գոնեա աւելի քան իրենց երկրորդական ճիւղերն են— Ըստ ամենայն հաւանականութեան Բոխա անունը կապ ունի Վոհի² հետ, որ ձորոխ գետն է։ Հաւանօրէն այդ մի ցեղ է, որի անունը մնացել է գետին և գաւառին, ինչպէս որ Ֆաղիսների³ անունը մնացել է Երասխի սկզբնական հոսանքին և Բառեան գաւառների վրայ։

1 Ստեփան 2, գ, էջ 24—25։

2 Հայր Աբուէն Սուքրին Geographie de Moïse de Corène և Աշխարհացոյց Մովսիսի Խորենացւոյ Վենետիկ 1881. էջ 28 § Ե Վերք-ի տակ կարդում ենք «Սկոտալ ի Վոհ գետոյ և ի հիւսիսոյ Տայոց»։ § Եբ, էջ 30 «Ակամսիս որ է Վոհ ի հիւսիս»։ ուստի սխալ պէտք է համարել Յոհ ձևը։ էջ 27 § ԺԹ, Կողքիս-ի տակ «ԳԱԿԱՄՍԻՍ որ է Յոհ»։ կամ էջ 35 § ԺԵ, Տայքի-ի մէջ «Եւ ըստ հարաւոյ Բուխա և Ազորգացիտը, իւրեանց գետակօք, որք . . . իջանեն ի Յոհ . . . ընդ որ իջանէ Յոհ, գալով ի Սպերայ . . . զոր եգերացիք հոչեն Ակամսիս և Խաղղիք Կակամար»։ Ի նկատի առնելով որ Ֆրանսերէնում էջ 38, Ակամսիսի բացատրութիւնը «որ է Յոհ», երևի իբրև ընդմիջարկութիւն, բայց է թողնուած, և վերջին անգամ իրար ետեից «Յոհ»-ը Ֆրանսերէնում էջ 46 «Voh» է թարգմանուած, պէտք է կարծել թէ Յոհ տպագրական սխալ է։ Բոխա ձևը այս պատճառաւ ճշտագոյն է, ինչպէս որ ունի Պաղտմէոսը. «Հ. Հիւրչման Altarm. Ortsnamen էջ 212 և 359)։

3 Հ. Ղ. Ինճիճեանը իւր «Հնախօսութիւն» I, էջ 142—148 ճշնում է ապացուցանել, որ ձորոխը Ս. Գրքի Փիտոնն, է, և ոչ թէ Յարշ-Ռիոնը. վերջինիս մասին ոչինչ չունինք ատելու, իսկ առաջինը չենք կարող ընդունել։ Առաջինը որ մեր մատենագրութեան մէջ և ոչ մի հետք կայ այս ենթադրութեան։ Երկրորդ Սարաբոնը և մանսուանդ Պլինիոսը շատ մշուշ գաղափար ունին Հայաստանի աշխարհագրութեան մասին։ Այսպէս Սարաբոնը, որ Հայաստանը աւելի լաւ պիտի ճանաչէր, ասում է «Ողական և Բողբերդ ոչ հետի յԱրաշատէ (°°°) և Արազերք առ Եփրատաւ» (=Արածանի) (Սարաբոն ԺԱ, 14, 16։ Տես Գարագաշեան Քննական Պատմ. Հայոց II, Թ, § 12, էջ 136.) և այլն։

Այլի է ընկնում մի կողմից Եւրոպայի թրակացի Դա կամ Դակ, ըստ Կիպերաի Գէտ,¹ և Ասիոյ սկիւթացի Դա՝² կամ Դաճը³ ժողովրդի անունների նմանութիւնը, մանաւանդ որ վերջինից հիւսիս յիշուում է Մասագէտ: Միւս կողմից չունին արգեօք որ և է առընչութիւն այս անունները և մեր Տայքը:

Զաւեստայի և Հերոզասին Դաճա-ն և սկիւթացի Սակա-ն մի և նոյն ժողովուրդն է, իսկ վերջինս յայտնի է Գիմիրրի՝ կամ յունական Կիմմէրի անունով, որ կոչուել է

Ըստ Սարարոնի (ժա, 529) Հայաստան աշխարհի Պնտոս ծովը թափող յայտնի դեաերից են Փասիս և Լիգոս, որ է Փոքր Հայքի Գայլ գետը (Ինճիճ. I, 14 էջ 143): Վերջինս գտնեա ահ- ներև սխալ է: Երբորդ Ֆազիսը շփոթել են երբեմն Ակամսիսի — ձորսիսի ներքին ընթացքի հետ, ինչպէս Պրոկոպիոսը (Altarm. Ortsnamen IV, Տայք, էջ 358): Վերջապէս Բսենոֆոնի Անաբա- ղիսից պարզ երևում է, որ գտնեա նորա Ֆազիսը Արազի վերին ընթացքն է, որտեղ գտնուում են մեր երկու Բասեան գաւառ- ները (Հմմ. Friedrich Lübker Reallexikon des klass. Altertums 1891. Phasis. էջ 925: Հ. Լիւբքման Altarm. Ortsnamen I Abschnitt էջ 207—208),

Հ. Փարեգին վ. Յովսէփեանը յիշում է 626 թուին Լագուս- նում Ֆագիսի մի եպիսկոպոս Կիրոս անունով (Die Entstehungs- geschichte des Monotheletismus, էջ 16, 44—45. Leipzig 1897): Ինճիճեանն յիշում է «ի Դ. ժողովն Կոստ. [անդնուպոլիս՝ 869՝] Թէոդորոս եպիսկոպոս Փասիսի ի Լագիկիա» (Հնախօսութիւն I, 2, էջ 146): Ի նկատի առնելով և Լիւբքէրի պնդումը հակառակ Ինճիճեանի, թէ յետոյ Ֆագիս անունով անտարալոյս հասկաց- ւում էր Ռիոնը, միևնոյն անունով կոչուել է հնում այժմեան Փոթին, և այս երկուսի անունը մնացել Փասեան թաշունի՝ Phasianae aves վրայ, պէտք է ենթադրել թէ Ֆազիս-Փասեան ժողովուրդը հիւսիսից Հայաստան գալով իր հետքերը թողել է և այդ աեղերում:—

1 Δάος=Davus, Γέτης=Geta. Lehrbuch der Alten Geographie, § 301, § 307, էջ 305—307, Berlin 1878:

2 Iran, Philol. II, էջ 401. 445. Strassburg. 1896—1904:

3 Δάα=Dahae. Fried. Lübker. Reallexikon des klass. Altertums, Leipzig, 1891:

և Duchա կամ Gucha ¹:

Այս նոր ժողովրդի հաւանօրէն տարբեր ցեղերը հիւսիսից յարձակուել են Հայաստան: Կիմմէրները, Ըստ Կիպերտի, դեռ Թ. դարում Ն. Ք. այլ և 679-ին Կապադովկիա² են արշաւել, իսկ 624-ին Մարաստան, Փոքր-Ասիա, Ասորիք մինչև Եգիպտոսի սահմանները երկար ժամանակ Արդ Կապադովկիան հայերս կոչել ենք և Գամիրք, ունինք Տուհք³ գաւառ, որ գուցէ Duchա-ի հետ կապ ունենայ. այլև Շակաշէն կամ Սազաշէն (=Շաքի): Իսիդորոսը յիշում է Սագաստանում Բարդա, որ ինչպէս Իճիճեանը նկատել է, մօտ է Պարտաւ անուն⁴, որ սակայն այժմ կոչւում է Բարդա⁵: Հ. Կիպերտը հաւանական է համարում որ Սակերի պէս Կասպ ժողովուրդն ևս թուրանական ծագումն⁶ ունի, համանուն ծովով անցնելով հաստատուել է մեր Փայտակարանում:

Այսպէս էլ գուցէ և մեր Բասեան և Տայք գաւառի և նահանգի նախնական բնակիչները սկիւթական ծագումն ունին: Տայքը Քսենոֆոնը կոչում է Τάοχοι, իսկ Սա. Բիւզանդացին և Τάο⁷, վրացերէն Տաոս-կարի կամ Տավաս-գերդ, որտեղ կարծես խառնուած են Գաշք և Duchա անունները: Դու կամ Տու անունով երկու գիւղ գտնուում են Բասեան գաւառում, որ սահմանակից էր Տայքին, որոնք գաշնակից էին միմեանց Քսենոֆոնի ժամանակ:

1 Heinrich Kiepert, Lehrbuch, § 91, էջ 91:

2 Iran. Philol. II, էջ 408, 412:

3 Խորենացի Բ, ԿԵ, էջ 144:

4 Ն. Հայաստ. Շակաշէն, էջ 341:

5 Արդեօք Աղուանք, Աւտէացիք, Գարդմանացիք, Մովղէացիք և Գարգարացիք (Խոր. Բ, Ը, էջ 78), սկիւթացի չեն: Սոցաբուրին Խորենացին ցեղակից է համարում և առաջիններին ակնարկելով ասում է ս. Մեսրոպի մասին. «Ստեղծ զնշանադիրս կոկորդալոս, աղխազուր, խժական խեցբեկագունին այնորիկ գարգարացոց լեզուին» (Խոր. Ք, ծդ, էջ 248):

6 Lehrbuch § 84 էջ 82—83:

7 Հիւրչման Altarm, Ortsnamen էջ 277:

Քացի այդ՝ Դահա ժողովրդի մասն էր Պարն¹ Արշակու-
նեաց հարստութեան ցեղը, որ ըստ Սարաբոնի կոչում
են Դահ² Պարնեանք, որոնք «Հատուածեալ են ի Դաոց
ընակելոց ի վեր կոչս Մէտախ (ժողուն)», և սորա ըստ
Ինճիճեանի³ մեր Տայքը պիտի լինին:

Այս տեղից հետեւում է, որ անհիմն է այս ենթա-
դրութիւնը, մանաւանդ որ ունինք մի նախարարութիւն
Բառնէից⁵ անունով, որ եթէ ոչ Տայքի, գէթ Դուհը-Պարնի

1 A. Gutschmid Gesch. Irans, էջ 29, Tübingen 1888

2 Ն. Հայաստ. Տայք, էջ 368:

3 Ներսէս Մեծի հետ վաղէսի մօտ գնացող տասնութ նա-
խարարներէց Ե. է «Կէշիէն նահապետն Բառնէից» Ստի. 2, Ե,
էջ 52: Փ. Բուզանզն այս առթիւ յիշում է միայն 9 նախարար,
որոնք չնչին տարբերութեամբ Մ. Երէցի յիշած սկզբի անուն-
ներով են, է. է «Կիշիէն նահապետն Բաղէնից» Փ. Բուզ. Դ, ժա,
էջ 106: Բաղէնից նախարարութիւն և այն էլ միայն այս տե-
ղում. Իսկ Մ. Երէցը յիշում է Խոսրովեան գահնամակի 84-րդ
տեղում «Բագուանք» (էջ 35), որ գուցէ Փ. Բուզանզի Բագէ-
նից-ը լինի: Միևնոյն ժամանակ նկատենք, որ սորա կարող են և
երկու տարբեր նախարարութիւններ լինել:—

Կայ և մի այլ նախարարութիւն Բարմայք, Բարմայք կամ
Բարմայիք (Մ. Երէց, Ստիբերը 2, Ե, էջ 38 162-րդ և էջ 130):
Ներսէս Մեծին Կեսարիա ուղեկցող 26—27 նախարարներից 21-ին
է «Սագ կամ Սէգ իշխանն Բարմայ» (Ստիբերը 2, Գ, էջ 25, որ
Փ. Բուզանզը չունի: Խոշոր տարբերութիւն կայ առհասարակ
երկուսի մէջ, ինչպէս և այլ ցանկերում. Հմմ. Փ. Բուզ. Դ, Գ,
էջ 72—73): Արդեօք այս երկու նախարարութիւնները նոյն են,
չենք համարձակում պնդել լոկ անունների նմանութիւնից:
Վերջինիս տեղը որոշակի յայտնի է «Կատարեցաւ Բարթողոմէոս,
յԱրքանոս քաղաքի, ի Բարմա անուանեալ տեղւոջն յանուն(!?)
առաքելոյն» (Խոր. թուղթ Առ. Ս. Արժրունի, մատենագրու-
թիւնք էջ 295): Ըստ Ինճիճեանի Տէր Իսրայէլ Յայսմաուրբի
հեղինակ ասում է Դեհտ. ժ. «Թաղեցին զնա հուպ ի քաղաքն
Արքանոս, որ կոչի Բարմ» (Ն. Հայաստ. էջ 510): «Փիլիպոս
կաթուղիկոսն էր յերկրէն Բարմայ, որ այժմ ասի Աղբակ» (Ա-
ռաքել Դաւրիթեցի Իե, էջ 314, Վաղարշապատ 1896): «Նէեալ
գնացին յերկիրն Բարմայ, որ այժմ ասի Աղբակ» (Առ. Դաւրիթ.
ԽՆ, էջ 552): Կարծում ենք այս իշխանութիւնը կանգուն էր

հետ կապ ունի: Պարթևների սկիւթական¹ ծագումն յայտնի է, և պարթև Կարէնի, Սուրէնի և Կամսերական ու Պահլաւունի ցեղերը ունէին իրենց ճիւղերը Հայաստանում և կամ միայն այդտեղ էին ապրում, հաւանօրէն ուրեմն ունեցել են և Պարնեանք: Այսպիսով աւելանում են մեր օտար և պարթևական նախարարութեանց վրայ և Բառնեանք, որոնց մասին յիշատակում է միայն Մեսրոպ Երէջը հակասելով Փ. Բիւզանդին:

Այսպիսով ուրեմն Տայբում լինում են Մամիկոնեանք, Տայեցիք, Բոխա-Ղիմաքսեանք կամ Բոխայեցիք, գուցէ և Բառնեայք, որ չունի զօրանամակը: Հետաքրքրական է յամենայն դէպս այն, որ ոչ միայն առաջին երեք նախարարութիւններն, այլև Ղիմաքսեանք պատկանում են Հիւսիսային դռան կամ զօրաբանակին:

Այժմ ուրեմն պարզ պէտք է լինի, որ ամբողջ Տայբը չէր պատկանում Մամիկոնեանց, թէկուզ Դ. դարում, ինչպէս ասում է մեր յարգելի ուսուցչապետ և բարեկամ պ. Հ. Հիւբշմանը: Վասն զի նախ այդ դարուց յետոյ այլևս նոր նախարարութիւններ չեն կազմուել, ինչպէս որ կարելի է տեսնել Ե. և յետագայ դարերի պատմագրերից: Ապա Դ. դարու թագաւորները Խոսրով Բ. Կոտակ, Տիրան, Արշակ և Պապ ձգտում են նախարարութիւնները ջնջելու և կալուածատիրութիւնը նուազեցնելու. այնուհետև էլ ոչ զօրութիւն, ոչ էլ երևի իրաւունք ունէին հները ջնջելու կամ նորերը հաստատելու, քանի որ ստուեր թագաւոր-

մինչև Թ. դարը: Թ. Արծրունին յիշում է «Գորգ Հարմացի» (Բ, գ, էջ 109), որ պիտի լինի Բարմացի, մանաւանդ Գորգի հետ յիշուած ընդ որ միւս նախարարութիւնները ևս Վասպուրականի հպատակներից են, իսկ Մեծ Աղբակը, հին Արապախիտիքը, Վասպուրականի գաւառներից մինն է:—Արդեօք երկու պատմագրի Բարմա թէ Յայսմաւուրքի Բարմ ձևն է ուղղագոյնը, դժուարանում ենք ասել: Հաւանական է որ Բարմա ձևն է ճշտագոյնը, եթէ ի նկատի առնենք, «Բարմայիք» փոփոխակը:—

1 Տես և Հ. Կիպերտ, Lehrbuch der Alt. Geograp. § 69, էջ 69—66:


ներ էին դարձել: Գալով Մարզպետունի, Պահլաունի և Շերեփեան ըստ երևութին նոր նախարարութեանց կամ բացառիկ երևոյթներ են, կամ աւելի ճիշտ հեշտութեամբ բացատրուում է սոցա հնագոյն ծագումը:—

Մամիկոնեանց «այլ տուն»¹ Տարօնի և միւս կալուածքների մասին կը խօսենք ուրիշ անգամ:

Սեփակ Կանայեանց.

12 մարտի 1907 թ.

Վաղարշապատ:



Ս Տ Ա Յ Ո Ւ Ա Ժ Գ Ր Ք Ե Ր *

1. Վաս. Նեմիրովիչ—Գանչենկօ. Հայուհի Գայիանէն. Թարգ. Արսէն սարկաւազ Սիմէոնեանց, Մոսկուա, 1907 թ.
2. 1896 Թուին Ս. Էջմիածնում գտնուած հին պղնձեզէն ամանների ցուցակը և արձանագրութիւնները. կազմեց Գալուստ Տ. Մկրտչեան օժանդակութեամբ Սահակ վարդ. Ամասունու. Պարիս, 1906:
3. Գոկտ. Յովհ. Արթինեան. Տունկերը և անոնց հայերէն անունները. Փարիզ, 1906:
4. Հայք ի Կ. Պոլիս քսաներոգ գարու սկիւրը գրեց Արծրունի. Փարիզ, 1906:
5. Մ. Յովհաննիսեան, Գաշնակցութիւնը և նրա հակառակորդները (Յառաջի գրագարան). Տփլիս, 1906:
6. Известія Кавказскаго отдѣла императ. русск. географическаго общества. Т. XVIII. 1905—1906, Тифлисъ, 1906.
7. Die ostarmenischen Laute des 15. Jahrhunderts nach den Transcriptionen in Hans Schiltbergers Reisebuch. Von F. N. Finck,

1 Փ. Բուզ. Գ, Ժը, էջ 47:

* Ստացուած գրքերի համար այսուհետեւ կանոնաւոր կերպով դրախօսուածիւններ կգրուին: